

Tle pravia (hakija) ki narodno učiškola

Studirinea ki narodno učiškola? Na sian čalo tle studiribaskere situaciaja ja pale šaj peljan ko konflikti e školaja? Tegani šaj te irane tut ko Narodno učeškolakoro studiribaskoro pravno godidejbe (Folkhögskolornas studeranderättsliga råd). Amen šaj daja tut piko hem godidejbe hem informacija bašo pravo so isi tut.

I narodno učiškola i phravdi (slobodno) kori so isi hari zaedničko regularia (pravilia)

I narodno učiškola i jek školujbaskiri forma so ingarela pe taro jek buvlo cilengoro plani hem othe nane but zaednička regularija. O državna pikodejbaskere love so dela pe e narodno učeškolake te šaj te kerel pli buti dela pe kotar o Narodno školujbaskoro godidejbe (Folkbildningsrådet). Isi regularija soj phanle e pikodejbaskere lovencar, ama e Narodno školujbaskere godidejba nane olen buti te kontrolirinel e školen. Othe na važinela e Školakoro zakoni hem ko narodno učeškolen nane državna sikljobaskere planija.

Odova značinela kaj tu so studirinea ki narodno učiškola odova i e školakoro vodstvo (školakoro ingariba) so odlučinela komaj bašo sa o rešenja so uticinena baši tli situacija hem tle pravija ki škola.

Kaj te šaj te zorakeren pe o pravija sarinenge so studirinena ki jek narodno učiškola isi o Folkhögskolornas studeranderättsliga råd, FSR (o Narodno školujbaskoro godidejbe).

Načalo? Ko konflikti? Adžahar šaj te kere!

Sian načalo tle situaciaja ja pale šaj peljan ko konflikti e školaja? O jekto so trebela te kere i te kontaktirine e školakere direktore. Te na sian čalo palo kontakti e direktoreja hem oleskere dikhibaja bašo pučiba, tegani tu šaj odova te prijavine ko školakoro ingaribe (skolans styrelse). Keda ola ka keren buti e pučibaja hem palo odova te na sian panda čalo tegani tu šaj odova te prijavine ki FSR.

Save pučiba šaj te prijavine?

Akala i primer save pučiba šaj te prijavine ko FSR:

- tlo kursi nane ko odova nivo sar so phendža i škola

- i škola dindža bangi informacija bašo obavezna koštiba
- nanibe šukar uticibe taro manuša so lena than hem nanibe studiribaskoro pravo
- e školakere navike bašo pratibe e studiribaskoro rezultati hem ovibe ko than nane sar so trebela te oven
- disavo kursi činavela pe ja pale provongirinela pe
- disciplinaker merke (ko primer keda ikalela pe ja pale ulavela pe džiko)

Keda i škola anela studiribaskere ocene našti te rove tut bašo odova ko FSR ja pale javerte avri tari škola.

O šaipe te kere jek prijava ko FSR šaj samo te džaja ko jek kursi soj bareder taro 15 dive. I prijava trebela te resel ko FSR najkasno jek berš palo mukhibe i škola.

So ovela pali jek prijava?

Odova i e učeškolakoro ingaribe (folkhögskolans styrelse) soj odgovorno baši školakiri buti hem odlučinela save regularija ka važinen. Odoleske o FSR dikhela angleder sa e narodno učeškolakere regularija hem o perduslovija keda keraja buti jekhe slučaeja.

O FSR našti nisar te meninel e školakoro rešenje, ama amen šaj te preporučina buča e školake. Dži akana sa o škole so sine prijavime ikerdže pe ko amare preporučiba.

Mangea te džane sar o FSR mislinela ko razna slučajaja? Čitin (drabar) buteder ko

www.folkbildningsradet.se/fsr

Kontaktirin amen:

FSR -skoro asistenti: 08-41248 10

Folkbildningsrådeteskiri telefoneskiri centrala: 08-412 48 00

fsr@folkbildningsradet.se